




QAQORTUP KOMMUNIA

PILERSAARUSIAQ C4-1

KILLILIUSSAMI C4-MI PILERSAARUSIAQ



SIULEQUT

Piffinni pilersaarusiaq sunaava?

Kommunip pilersaarusiorneqartarnera marloqiusaavoq: Kommuni tamakkerlugu kiisalu piffinni pilersaarusiorneq (nunaminertani). Taakkua inatsisitigut pilersaarusiorneqassapput Inatsisartut Peqqussutaat nr. 1, 18. juni 1987-meersoq malillugu nunatarisap atornissaani pilersaarusiornissaq pillugu. Nunaminertanik pilersaarusiorneq Namminersornerullutik Oqartussat Nalunaarutaat nr. 23, 18. november 1992-meersoq nunaminertani pilersaarusiornissaq pillugu nalunaarut malillugu pilersaarusiortoqartarpoq.

Kommunalbestyrelsip piffinni pilersaarusiorneq piviusunngortinniassavaa, pineqartumi sanaartornermi- sananeqarnissaanilu sulisuusussanik suleqateqarnikkut. Kommunalbestyrelsip piffinni pilersaarusiorneq alaatsinaatarisassaraa, kommunip pilersaarusiorneqarnerata piviusunngortinneqarnissaa pisariaqarsimatillugu, annertunerusumillu sanaartornermi- sananeqarneranilu pilersaarusiartut tunngavigisassat malillugit sanaartornissap ingerlanneqarnissaa nakkutigisussaalluguttaaq.

Tamanut saqqummitinneqarnissaanut aalajangersakkat

Inatsisit malillugit kommunalbestyrelsip inaarutaasumik aalajangiinerata kinguinngua, piffinni pilersaarusiaq tamanut saqqummitinneqarnissaa isumagisassaraa.

Siunnersuut tamanut saqqummitinneqassaaq innuttaasunit oqaaseqarfigisinnaasunngorlugu sivikinnerpaamik sapaatit akunnerini arfinilinni.

C4-1-mut atatillugu Pilersaarusiaq kommunip allaffeqarfiani aamma Atuakkanik atorniartarfinni piffissami 21. maj 2003, 2. juli 2003 ilanngullugu saqqummitinneqassaaq.

Piffissami tassani innuttaasut periarfissaqarput oqaaseqaateqarnissaminnut imaluunniit allannguutissatut siunneqasuuteqarnissaminnut pilersaarusiamut atatillugu.

PILERSAARUSIAQ C4-1

Sanatorievej-imi sulliveqarfiusussatut pilersaarusiat

IMARISAI

A. PILERSAARUSIORNERUP NASSUIAATISSARTAA 1

1.	PILERSAARUSIAP SIUNERTAA	1
2.	AALLAQQAASIUT TUNNGAVIGISALLU	1
3.	PILERSAARUSIAP ALLANUT PILERSAARUSIANUT ATTUUMASSUTAI	1
4.	PILERSAARUSIAP INATSISITIGUT ATUUMASSUTEQARALLARNERA	2
5.	INATSISITIGUT ATTUUMASSUTEQALIVINNISSAA	2
6.	IMMIKKUT ILIUUSEQARSINNAANERMI PERIARFISSAT	2
7.	SAQQUMITINNEQARNERA AKUERSISSUTIGINEQARNERALU	2

B. PILERSAARUSIORNERMI MALERUAGASSAT 3

§ 1.	PILERSAARUSIORNERUP SIUNERTAA	3
§ 2.	SINAAKKUTARISASSAT	3
§ 3.	ATORNEQARNISSAA	3
§ 4.	AQQUSERNGIT, UNINGASARFIIT TIKITSISARFILLU	3
§ 5.	ILLULIORFIUSSAT	4
§ 6.	ILLUT ANGISSUSAAT INISSINEQARNERILU	4
§ 7.	ILLUT SILATAASA ISIKKUSSAAT	4
§ 8.	SANAARTORFIGINEQARTUSSAANNGITSUT	5
§ 9.	KUUFILERSUINERIT ATORTORISSAASUSIORNERILLU	5
§ 10.	PILERSAARUSIORNERUP ATORUNNAARSINNEQARNISSAA	5
§ 11.	AKUERSISSUTIGINEQARNERANIK NAQISSUSIINEQ	6

TITARTAGANNGORLUGIT TAKUSSUTISSIINERIT

Kort nr. 1	Pilersaarusiap takussutissartaa
Kort nr. 2	Piviusunngortinneqarnerani isikkussaa

A. PILERSAARUSIORNERUP NASSUIAATISSARTAA

1. Pilersaarusiap siunertaa

C4-1-p pilersaarusiorneqarnerata siunertaraa:

- a) Nunaminertami C4-mi niuertarfinnik, suliffeqarfinnik, inuutissarsiornikkut- aamma inissialiornikkut pilersaarusiorneqarnerup tunngavigisassartaasa aalajangiusimanissaat.
- b) Nunaminertap C4-p tamakkiisumik pilersaarusiorneqarnissaa.
- c) Nunaminertami C4-1-mi sanaartoriaatsit atorpeqarnissaanullu aalajangersaanissat, uanilu qorsooqqinnerit piuaannartinnissaasa eqqarsaatigineqarnissaat.
- d) qulakkiissallugu, siunissami nunaminertap C4-p massakkut avatangiisiusunut sanaartornissani naleqqussarneqarnissaa.

2. Aallaqqaasiut tunngavigisallu

Nunaminertap C4-p pilersaarusiorneqarnissaanut tunngaviupput Sanatorievej-imi aamma Ringvej-imi niuertarfiliornissanik kissaatigisat. Iluatsillugu tamakkiisumik pilersaarusiornissaa kissaatigineqarsimavoq, siunissami massakkut avatangiisiusut eqqarsaatigalugit sanaartornissap ingerlanissaa qulakkeerniarlugu.

3. Pilersaarusiap allanut pilersaarusianut attuumassutai

Ilassutitut pilersaarusiaq nr. 4 pilersaarusiamut tamanut saqqumitinneqareersimasumut attuumassuteqarpoq.

C4-1 tamakkiisumik C4-p pilersaarusiorneqarneranut ilaavoq. Taamaalilluni pilersaarusiaq C4-1 nunaminertami sanaartorfiusinnaasunut C4-mi taaneqarsimasunut pingasuusunut ilaavoq killiliiffigineqarnerani 10a-mut ilaalluni, kommunip pilersaarusiorneqarneranut 1996-2006-mut Ilassummut nr. 4-mi saqqumitinneqareersimasumut ilassutigineqarsimalluni.

Pilersaarusiami C4-mi sinaakkutassatut taaneqarsimavoq, nunaminertaq pisortanit aamma namminersortunit, suliffeqarfinit kiisalu inissialiortiternermut attuumassuteqartunut atorpeqassasoq. Sanaartornermi illut quleriit marluinnaassapput portussusaallu 8 meter-it qaangeqqassanagit.

C4-1-ip akuersissutigineqarneratigut Pilersaarusiani S7-1-mi aamma S7-2-mi pilersaarusiat ilaat atortussaajunnaarsinneqassapput, Pilersaarusiap C4-1-ip iluaniittut.

4. Pilersaarusiap inatsisitigut atuumassuteqarallarnera

Pilersaarusiamut atatillugu una siunnersuut saqqumitinneqareerpat, nunaminertat, illuutit allallu siunnersuummut atuumassuteqartut, sanaartorfigineqarnatillu atorniarneqaqqusaanngillat, pilersaarusiap imarisaanut allannguuteqartitsisinnaasumik.

Tamanut saqqumitinneqarnerata nalaani maalaaruteqartoqarsimanngippat, kommunalbestyrelsip akuersissutigisinnaavai, nunaminertamik atuisinnaanerit, siunnersuutip iluaniittumi, sanaartornissaq pilersaarusionermit aalajangersakkanut naapertuuttumik.

Qulaani taaneqartut atuukkallassapput nunaminertami pilersaarusiatur siunnersuutip inaarutaasumik akuersissutigineqarnissaata tungaanut imaluunniit akuersissutigineqavinnerata naqissusiilluni nalunaarutigineqarnissaata tungaanut.

5. Inatsisitigut atuumassuteqalivinnissaa

Nunaminertap pilersaarusionerqarnera inaarutaasumik akuersissutigineqarpat tamanullu saqqumitinneqareerpat aalajangersakkat imaattut atuutsinneqalissapput:

Nunaminertap inaarutaasumik sanaartorfissatut akuersissutigineqarneranut atatillugu killiliiffineqarnerata iluani arlaannik *aallartitsisoqaqqusaanngilaq*, pilersaarusiami aalajangersakkanut kalluaassutaasinnaasumik.

6. Immikkut iliuuseqarsinnaanermi periarfissat

Kommunalbestyrelsi annikitsumik allannguuteqartitsisinnaasumik akuersissuteqarsinnaavoq, pilersaarusiamut kalluaassutaasinnaanngitsunik. Annertunerusumik kalluaassutaasinnaasut, nutaamik pilersaarusionerqarnera aatsaat akuersissutigineqarsinnaapput.

7. Saqqumitinneqarnera akuersissutigineqarneralu

Nunaminertap C4-1-ip pilersaarusionerqarneranut siunnersuut kommunalbestyrelsimit akuersissutigineqarsimavoq ulloq 19. maj 2003.

Nunaminertap C4-1-ip pilersaarusionerqarneranut siunnersuut tamanut saqqumitinneqassaaq piffissami 21. maj 2003, 2. juli 2003 ilanngullugu.

B. PILERSAARUSIORNERMI MALERUAGASSAT

§ 1. Pilersaarusionerup siunertaa

Stk. 1.1 Pilersaarusiame aalajangersarneqassapput nunaminertap atorneqarnissaa aamma sanaartoriaatsit atorneqartussat kommunip pilersaarusiaa C4 naapertorlugu.

Stk. 1.2 Pilersaarusiame aqquuserngit uninngasarfiillu aalajangersaaffigineqassapput.

§ 2. Sinaakkutarisassat

Stk. 2.1 Nunaminertaq pilersaarusiap C4-p iluaniippoq. Killiliiffiliorneqarnera takussutisiami nr. 1-mi takuneqarsinnaavoq.

Stk. 2.2 Nunaminertami sanaartorfigineqarsinnaasut pingasuupput, takussutisiami nr. 2-mi takuneqarsinnaallutik.

§ 3. Atorneqarnissaa

Stk. 3.1 Nunaminertaq pisortanit aamma namminersortunit, suliffeqarfinnit kiisalu inissialiortiternermut attuumassuteqartut atorneqarsinnaavoq. Sanaartornermi illut quleriit marluinnaassapput portussusaallu 8 meter-it qaangeqqassanagit.

Stk. 3.2 Kommunalbestyrelsip qinnuteqarnikkut akuersissutigisinaavai illuliornermut atatillugu garage-liornissaq, quiliornissaq, qimmiisiviliornissaq il.il. ungasissusissat iluini, sanilerisanullu akornutaasinaassanngippata.

Stk. 3.3 Nutaamik sanaartornissat sanaartorfusinnaasup iluani pisassapput.

Stk. 3.4 Sanaartorfissap 5-ip iluani killiliussa q pisiniarfinnik, inuutissarsiornermilu illuliornermut atorneqaqqusaanngilaq. Sanaartorfissap 10b pisiniarfinnik, inuutissarsiornermilu illuliornermut atorneqarsinnaavoq tassunga atatillugu.

Stk. 3.5 Illuliorfigineqarsinnaasumi nunaminertamik qinnuteqarnermut atatillugu, takussutissaliortoqassaaq (pilersaarut isikkussaalu 1:100-nngorlugit) tamannalu tamanut saqqumitinneqassaaq kommunalbestyrelsimiillu akuerineqaqqaassalluni.

§ 4. Aqquuserngit, uninngasarfiit tikitsisarfiillu

Stk. 4.1 Nunaminertaq Augo Lyngesvej, Ringvej aamma Sanatorievej-miit tikinneqarsinnaassuussaaq.

Stk. 4.2 Sanaartorfusussami 10a-mi niuertarfiliortoqarneratigut uninngaartarfissamik-/kaajallaffissamik pilersaarusiortoqassaaq Ringvej-imiillu pisiniat aamma nioqqutissat ingerlaffigisinaasaannik pilersaarusiortoqassalluni avannamut sammisunik.

Stk. 4.3 Sanaartorfissap 10b-p iluani nutaamik sanaartornermi uninggaarfissat ima inissinneqassapput, Ringvej-mi aamma Sanatorievej-mi uninngaartoqarsinnaajunnaarlugu.

- Stk. 4.4* Sanaartorfissap 10b-p iluani nutaamik sanaartornermi uninngaarfissat ima inissineqassapput, Sanatorievej-mi uninngaartoqarsinnaajunnaarlugu.
- Stk. 4.5* Aqquserngit asfalt-eqassapput. Sivingarngit ujaqqersorneqassapput, kussinernior-neqarlutik beton-ilersorneqarlutillu.
- Stk. 4.6* Nunaminertamik tunniussinermut atatillugu tikinneqarfigisinnaasaat kisimik ilaasinnaapput. Inissinissat, kusserngit allallu qulisaasinnaasut teknikkikkut im-mikkoortortaqaarfimmit akuerineqaqqaartassapput.

§ 5. Illuliorfiusussat

- Stk. 5.1* Sanaartorfissami 10a-mi illuliorfiusussat Sanatorievej-ip qeqqaniit 8,0 m-sut ungasitsigisumiissapput. Ringvej-imiit illuliorfiusussat aqquserngup qeqqaniit 5,75 m.-isut ungasitsigisumiissapput.
- Stk. 5.2* Sanaartorfissami 10b-mi illuliorfiusussat Sanatorievej-ip qeqqaniit 8,0 m-sut ungasitsigisumiissapput. Augo Lyngesvej-imiit illuliorfiusussat aqquserngup qeqqaniit 10,0 m.-isut ungasitsigisumiissapput.
- Stk. 5.3* Sanaartorfiusussap 5-ip iluani Sanatorievej-ip qeqqaniit 8,0 m-sut ungasitsigisumiissapput.
- Stk. 5.4* Illuliorfissap aqquserngullu qeqqaniit akorniniittut aqqusinertut, uningaarfittut, kussinertut, erngup- aamma innaallagissap aqqaatanut il.il. atorineqassapput sanaartorfigineqaqqusaanatillu.

§6. Illut angissusaat inissineqarnerilu

- Stk. 6.1* Illukut piarnerini siunissamilu nutaanik illuliornermut atatillugu aqquserngup portussusaa malillugu inissiisoqartassaaq.
- Stk. 6.2* Sanaartorfiusussani 5 aamma 10b-mi illut 8 m. sinnerlugit portutigissanngillat. Naqqarlerli portussusaa naapertorlugu atorluarniarneqarsinnaavoq.
- Stk. 6.3* Sanaartorfissami 10a-mi illut 11 m. sinnerlugit portutigissanngillat. Naqqarlerli portussusaa naapertorlugu atorluarniarneqarsinnaavoq.
- Stk. 6.4* Tunngaviliornerit pisarialimmiit portunerutinneqaqqusaanngillat.
- Stk. 6.5* Illut qaliaat sivingasuussapput qaliaasalersorneqarsinnaallutillu.

§ 7. Illut silataasa isikkussaat

- Stk. 7.1* Sanaartornerit avatangiisinut naleqqussagaassapput, qalipaataat atortullu eqqarsaatigalugit pioreersunut naleqqussagaassallutik. Assersuutigalugu silataat sapinngisamik qisummik qallersorneqarsimasuussallutik.
- Stk. 7.2* Allagarsiinerit ussassaarinerillu isaariami taamaallaat pisassapput niuertarfimmut inuussutissarsiummulluunniit attuumassuteqartut, tamakkulu pisassapput illumut inuussutissarsiutigisamulluunniit attuumassuteqaraangata.

Stk. 7.3 Allagarsiinerit ussassaarinerillu iluisigut quleqartinneqassanngillat, inngianartortaqaqqusaanatik avatangiisinullu naapertuuttuunngitsumik qalipaasersorneqaqqusaanatik akornusersuutaqaqqusaanatillu.

§ 8. Sanaartorfigineqartussaannngitsut

Stk. 8.1 Illut akorni sapinngisamik akuttunerpaaffinniitsinneqassapput, kusserngit eqqaallu eqqiluitsuutittuarnissaat anguniarlugu.

Stk. 8.2 Pilersaarusiap iluani asuli ilioraasoqassanngilaq, soorlu angallatinik inissiisoqaqqusaanani, iluaraliortoqaqqusaanani, eqqaasoqaqqusaanani assigisaallu.

Stk. 8.3 Sanaartorfiusussap iluani pisarialimmik innarliinissap saniatigut ujaqqat issullu allanngortinneqaqqusaanngillat; minnerunngitsumik nunaminertami assakaatinneqarsinnaasut eqqarsaatigalugit.

Stk. 8.4 Illumik piginnittoq pisussaaitaavoq illoqannginersat illullu eqqaata eqqiluitsuutinnissaat. Soqannginersat sukujunnik inissiivigineqaqqusaanngillat.

Stk. 8.5 Nunaminertat sanaartorfiusimannngitsut imaluunniit sanaartorerup nalaani innarlerneqarsimasut isikkuisut isikkunitsinneqaqqissapput.

Stk. 8.6 Sanaartorfigineqartussaannngitsut innarlertinneqarnaveersaassapput takujuminartuaannartinneqassallutillu.

§ 9. Kuufilersuinerit atortorissaasusiornerillu

Stk. 9.1 Illut tamarmik imerpalasunut kuuffinnut attaavilersorneqarsimassapput. Sapinngisamik aqquuserngit aqqusineeqqallu qanittuini attavilerneqarsimassallutik.

Stk. 9.2 Siallerfigitinnerit, qalianiit kuunnerit, imerpalasunut kuuffinnut attaveqassanngillat, kussinernulli kuutsinneqartassallutik, taamaalilluni illunut qanigisanut, nunaminertanut, aqqusineeqqanut allanullu akornutaasinnaajunnaarlugit.

Stk. 9.3 Illuliat nutaat erngup aqqutaanut attuutunut attavilersorneqartassapput.

Stk. 9.4 Erngup aqqutaanut, imerpalasunut kuuffinnut, tele-mut aamma innaallagissap aqqutaanut attavilersornissat aqquuserngit aamma aqqusineeqqat sinerlugit attavilersorneqassapput.

Stk. 9.5 Pilersuinissani killiliiffigineqarsimasut nunaminertamik akuersinermut atatillugu piunasaqaatigineqarsimasut naapertorlugit pinerit tamaasa ataqqineqartassapput.


§ 10. Pilersaarusiornerup atorunnaarsinneqarnissaa

Stk. 10.1 C4-1-ip akuersissutigineqarneratigut Pilersaarusiani S7-1-mi aamma S7-2-mi pilersaarusiat ilaat atortussaajunnaarsinneqarput, Pilersaarusiap C4-1-ip iluaniittut.

§ 11. Akuersissutigineqarneranik naqissusiineq

Pilersaarusiaq C4-1 siunnersuutitut kommunalbestyrelsimit akuersissutigineqarpoq


ulloq 19. maj 2003


Kaj Lyberth
fg. borgmesteri


Kim Dahl
fg. kommunaldirektøri


Pilersaarusiaq C4-1 inaarutaasumik kommunalbestyrelsimit akuersissutigineqarpoq

ulloq 27. august 2003


Kaj Lyberth
fg. borgmesteri


Kim Dahl
fg. kommunaldirektøri

Tamanut nalunaarutigineqarpoq ulloq 23. august. 2005




Lokalplan C4-1 Lokalplan for rammeområde C4

Målförhåll
1cm=40m

Lokalplan nr. 1

Qaqortup Kommunia Máj 2003

U. OP-FB 2000



Lokalplan C4-1 Lokalplan for rammeområde C4

Målforhold
1cm=20m

Lokalplankort nr. 2

Gædstrup Kommuna Maj 2003